

ԳՐԻԳՈՐ ՄԱԳԻՍՏՐՈՍԸ ՈՐՊԵՍ ՓԻԼԻՍՈՓԱ

Փիլիսոփ. գիտ. դոկտոր Գ. Հ. ԳՐԻԳՈՐՅԱՆ

Գրիգոր Մագիստրոսը (կամ Պաճլավունին, Բշնեցին) հայ միջնադարի այն բացառիկ անձերից է, որոնք հիշվում են որպես գիտնական-մտավորական՝ միաժամանակ չլինելով հոգևորական ու չպատկանելով հոգևոր դասին։ Նա իշխանական ծագում ուներ, Պաճլավունի տոհմից էր, որը մեծ դեր է խաղացել Անիի Բագրատունիների հարստության ժամանակաշրջանում թե՛ քաղաքական, թե՛ մշակութային առումներով։

Գրիգորը ծնվել է 990 թ. և ապրել է մոտ 68—69 տարի։ Նրա մանկությունն անցել է Անիում, ուր նա, որպես Պաճլավունիների ժառանգ, շփվել է ժամանակի բարձրաստիճան ազնվականության և թագավորական տանը մոտ կանգնած նշանավոր անձանց հետ։ Մեզ սուղ տեղեկություններ են հասել մանուկ-Գրիգորի դաստիարակության մասին։ Ստույգ հայտնի չէ, թե նա որտեղ և ում մոտ է սովորել, թեև կան հիշատակումներ (մասնավորապես իր նամակներում), որ նրա կրթությամբ շատ են մտահոգվել հարազատները, հատկապես հռչակավոր հորեղբայրը՝ Անիի թագավորության վերջին տասնամյակների սպարապետ վահրամ Պաճլավունին¹։

Չնայած նրա կրթության տեղի և ուսուցիչների վերաբերյալ փաստեր չկան, բայց և այնպես Գրիգոր Մագիստրոսի գրական ժառանգությունը վկայում է, որ նա հիմնավոր կրթություն է ստացել։ Իր աշակերտներ Բարսեղին և Նղիսին հասցեագրած նամակում Մագիստրոսը գրում է, որ ինքը Պորփյուրի «Ներածությունը» և Ստագիրացու «Կատեգորիաները» ուսումնասիրել է, երբ դեռ «տակալին պատանեակ» էր (էջ 106)։ Անշուշտ, նա իմացել է լեզուներ, համեմայն դեպս անպայմանորեն տիրապետել է հունարենին և ասորերենին, օգտվել է այդ լեզուներով գրված աղբյուրներից ու նույնիսկ թարգմանություններ է կատարել։ Ինքը գրել է, թե «ոչ եմք երբեք դադարեալ ի թարգմանութենէ՛ւս. բազում մատեանս, դորս ոչ եմք գտեալ ի մեր լեզուս՝ դերկուս մատեանս Պղատունի, զՏիմէոսի տրամաբանութեանն և զՓեդովնի, լորս բոլոր ճառսն նախագիտականին այն պարփակեալ կայ, և զայլս բազումս յիմաստասիրացն.— և զերկրաշափականն զՆիկիդոսին սկսայ թարգմանել. և եթէ տակալին կամեսցի Տէր երկարանալ մեզ ի կենցաղումս, բազում հոգս յանձին կալեալ զմնացեալսն բոլոր՝ Յունաց և Ասորոց թարգմանել ոչ դանդաղեցայց» (էջ 66)։ Ընդգծումներն այստեղ և ամենուրեք մերն են—Գ. Գ.)։

Գրիգոր Պաճլավունու նամակներից անսպառ շափով հորդում է հունահելլենիստական աշխարհի մշակույթի ու գիտության իմացությունը։ Նա շատ լավ գիտեր հունական առասպելները և բազմիցս դիմել է դրանց։ Պաճլավունու նամակներում հիշատակվում են անտիկ մշակույթի շատ անվանի ներկայացուցիչներ՝ Արիստոտել, Պլատոն, Սոկրատ, էպիկուր, Պարմենիդես, Պյութագորաս, Հիպոկրատ, Գալեն, Պորփյուր, Փիլոն, Օլիմպիոգորոս և ուրիշներ։ Շատերին ոչ միայն հիշատակում է, այլ տարբեր առիթներով վկայա-

¹ Տե՛ս «Գրիգոր Մագիստրոսի Թղթերը», Ալեքսանդրապոլ, 1910, նամակ ԺԱ (այսուհետև այս գրքից բերված քաղվածքների էջերը կնշենք տողամիջում)։

կոչում նրանց մտքերը՝ հաստատելու կամ ժխտելու համար որևէ գիտական հարցադրում կամ դրույթ։ Այս ամենը ցույց է տալիս, որ նա խոր ու հանրադիտական իմացության տեր մտավորական է եղել։ Պատահական չէ, որ նա որպես աշակերտին համբավ է վայելել իր ժամանակակիցների շրջանում։ Գրիգոր Պահլավունին ամենագիտակ մարդ է համարվել ինչպես «արտաքին» գիտությունների, այնպես էլ աստվածաբանության բնագավառում։

Սակայն տվյալ դեպքում էականը ոչ այնքան Մագիստրոսի գիտելիքներն էն, որքան այն վերաբերմունքն ու հետաքրքրությունը, որ նա ցուցաբերում էր հունա-հելլենիստական մշակույթի և առհասարակ գիտելիքի ու գիտության նկատմամբ։ Էականն այն է, որ այդ վերաբերմունքն ու հետաքրքրասիրությունը հասարակական նոր մտայնություն ու մթնոլորտ էին ստեղծում։ Այս խնդրում Մագիստրոսին առաջնակարգ դեր է պատկանում։ Բանն այն է, որ նա իր «Թղթերը», որոնցում դրսևորվել են գիտական, ոչ աստվածաբանական գիտելիքների նկատմամբ նրա իմացությունն ու վերաբերմունքը, հասցեագրել է իր ժամանակի բազմաթիվ գործիչների։ Նրանց մեջ են ժամանակի ինչպես աշխարհիկ, այնպես էլ եկեղեցական անվանի գործիչներ, կան նաև երկրորդական դեմքեր ու աշակերտներ։ Մագիստրոսի «Թղթերի» հրատարակիչ Կոստանյանցը գրքի վերջում բերում է անուններն այն մոտ 40 անձանց, որոնց Մագիստրոսը նամակներ է հղել (էջ 281—282)։

Ձարգացած ֆեոդալիզմի շրջանի հայ փիլիսոփայության բովանդակություն մի զգալի մասը հունա-հելլենիստական մտքի արժեքների պահպանումը, զարգացումը և մասսայականացումն էր մտավոր-կուլտուրական օջախներում։ Աշխարհիկ բնույթի գիտելիքների գոյքն ու պրոպագանդան X—XIII դդ. մտքի պատմության մեջ հիմնականում սկիզբ է առնում Մագիստրոսից, որի մեծագույն ծառայությունը պետք է տեսնել հենց նրանում, որ նա ուսուցման մեջ մեծ տեղ տվեց փիլիսոփայությանն ու գիտությանը՝ դրանով իսկ ճանապարհ հարթելով կրոնից համեմատաբար անկախ, նրանից ազատարված գիտելիքների զարգացման համար։ Այս իմաստով Մագիստրոսն առհասարակ մի տեսակ կամուրջ է, որով անցում է կատարվում վաղ ֆեոդալիզմի ժամանակաշրջանի գիտական-փիլիսոփայական մտքից դեպի զարգացած ֆեոդալիզմի ժամանակաշրջանի միտքը։ Նա ընդգծված հարգանքով է խոսում հայ անցյալի մեծ մտածողների՝ հատկապես Դավիթ Անհաղթի և Անանիա Շիրակացու մասին։ Նրա նամակներում բաղմիցս կարելի է հանդիպել տողերի, որոնց մեջ միտքն արտահայտվում է նույն բառակապակցություններով, ինչ Շիրակացու, Անհաղթի մոտ է։ Պետրոս Գետադարձ կաթողիկոսին գրած նամակում նա գոհունակությամբ է ընդունում այն փաստը, որ ձեռնարկվել է Անանիա Շիրակացու աշխատությունների հավաքման ու բազմացման գործը, դժգոհելով, միաժամանակ, որ Շիրակացու գործերը «նախքան դեռ (Պետրոս կաթողիկոսը—Գ. Գ.) խրթնացեալ և թագնի ընդ գրուանաւ ծածկէին» (էջ 8)։

Նշանակալից են Մագիստրոսի ջանքերը հայ իրականության մեջ ուսումնի ու գիտությանը տարածելու ուղղությամբ։ Կուլտուր-լուսավորական նրա գործունեությունը ներառնում է իր մեջ ինչպես անձնական օրինակը, որի ընթացքում նա շեր խնայում իր ժամանակն ու զրամական միջոցները, այնպես էլ ուրիշներին այդ գործի մեջ ներքաշելու ակտիվ փորձերը։ Հայտնի է, որ նրա նախաձեռնությամբ և օժանդակությամբ Հայաստանի մի շարք վայրերում՝ Բջինիում, Կեչառիսում, Գառնիում և այլուր կառուցվել կամ վերականգ-

ներվել են վանքեր ու եկեղեցիներ ու դրանց կից հիմնվել դպրոցներ: Բացի այս, հենց Մազիստրոսի նամակներից իմանում ենք, որ նա աշակերտներ է ունեցել երկրի այս ու այն նշանավոր կենտրոններում, որոնց նկատմամբ մեկենասի դեր է կատարել, հետաքրքրվել է նրանց ուսման ընթացքով ու նույնիսկ միջամտել ուսման ծրագրերը կազմելու և գիտելիքներ ձեռք բերելու հերթականությունը սահմանելու գործին: Մազիստրոսի նամակներից իմանում ենք նաև, որ նա հայ իշխանների, ժամանակի աղդեցիկ մարդկանց հորդորել է դիմել լուսավորությանը նպաստող քայլերի ու միջոցների չխնայել դրա համար: Այս մասին է վկայում, օրինակ, նրա նամակը ուղղված Վանանդի Գազիկ թագավորին, որին հանձնարարելով Գրիգոր Հնձացի գիտնական կրոնավորին, գրում է. «Եւ կամիմ, զի և դա արքունիս քուոյ (— քոյոյ) քարգոնոսական (= արքայական) ապարանի առկայացեալ արասցէ քեզ նեմարան, զի մի բնաւին Ասքանագեան և Արամեան դպրութիւնս, ի բազմաց սատարեալ, ի մոռացումըն անկցի» (էջ 97):

Մազիստրոսն աշխատել է երկրում բարձրացնել գիտուն, իմաստասեր մարդկանց հեղինակությունը, արժեքն ու անհրաժեշտությունը հասարակական կյանքում, այդ մարդկանց շուրջը ստեղծել հարգանքի մթնոլորտ, անել ամեն բան, որ նրանց գիտելիքները շման անձնական սեփականություն: Գազիկ թագավորին գրած վերոհիշյալ նամակում, նկատի ունենալով Գազիկի ջանքերը լուսավորության տարածմանը նպաստելու հարցում, մեծարում է նրան և համեմատում Պտղոմեոսի հետ²: Վկայակոչելով Պլատոնին, նա գրում է. «Ասէ և զայսոսիկ հրաշալին Պղատոն, եթէ զիմաստասէրսն պատուել զաշխարհս մատակարարէ» (էջ 97): Մազիստրոսը դժգոհում է այն բանից, որ շատ կրոնավորներ թողած կյանքը, աշխարհիկ հոգսերն ու պահանջները՝ առանձնանում են ու նվիրվում անօգուտ խնդիրների: Սուր ծաղրի է ենթարկում նման հոգևորականներին, որոնց դեմ, իբր, բողոքի նամակ են գրել անտառի զագանները, թե ինչու՞ եկել են նրանք անտառները և «զմեզ ի մերոյ սեփականէ արտաքս հանեն» (էջ 91):

Գիտելիքներ ձեռք բերելու գործը դպրոցներում հեշտացնելու և այդ գործին նպաստելու համար Մազիստրոսը կազմում է Դիոնիսիոս Թրակացու «Արուեստ քերականի» աշխատության մեկնությունների մի ձեռնարկ, որը հաջորդաբար պարունակում էր Դավիթ փիլիսոփայի, Մովսես Քերթովի, Անանունի և Ստեփանոս Սյունեցու մեկնությունները: Նա որոշ տեղերում տվել էր նաև իր հավելումները՝ նյութի յուրացումը հեշտացնելու նպատակով: Մազիստրոսի կազմած այդ ձեռնարկը մոտ երեք դար, մինչև Հովհաննես Երզնկացի Պլուզի կողմից նոր ձեռնարկի ստեղծումը, մեծ հեղինակություն էր վայելում և հանդիսանում էր Դիոնիսիոսի «Քերականության» ուսումնասիրության հիմնական աղբյուրներից մեկը:

Գրիգոր Մազիստրոսը ակտիվորեն մասնակցել է ժամանակի հայ ազգային-քաղաքական կյանքին: Նա հանդիսացել է, ինչպես ընդունված է ասել, Անիի թագավորության վերջին շրջանի ամենաակախավոր գործիչներից մեկը: Կարծիք է հայտնվել այն մասին, թե Մազիստրոսի քաղաքական գործունեությունն ընթացել է երկու շրջանով: Սկզբում հորեղբոր՝ սպարապետ Վահրամ Պահլավունու հետ, զենքը ձեռքին պայքարել է Հայաստանում բյուզանդական

2 Գազիկի մասին պատմիչ Մատթեոս Ուտայեցին գրում է. «Այր իմաստասէր և լցեալ ամենայն շնորհօքն փիլիսոփայականացն և հետորական արուեստիքն» («Մատթեոսի Ուտայեցու ժամանակագրութիւն», Վաղարշապատ, 1898, էջ 189):

տիրապետությունը հաստատելու դեմ, հետո, Պետրոս Գետադարձ կաթողիկոսի ազդեցությամբ, հարել է բյուզանդամոլների թեկն և փորձել օգնել նրանց Անին Բյուզանդիային հանձնելու խնդրում։ Այս տեսակետի պաշտպանները Մազիստրոսի բյուզանդական ժառանգության անցնելու հանդամանքը դիտում են որպես նրա համոզմունքների ու գործունեության տրամաբանական շարունակություն։ Մենք մտածում ենք, որ սխալ է այս տեսակետը։ Իրավացի է պատմաբան Հ. Հարությունյանը, ըստ որի Մազիստրոսը «իր քաղաքականությամբ միշտ հետևել է իր հորեղբոր (Վահրամ Պահլավունու—Գ. Գ.) քաղաքական կուրսին»³։ Ինչ վերաբերում է բյուզանդական կողմնորոշմանը, ապա նա պարզապես հետևել է Անիի վերջին թագավոր Գագիկ II-ին, որը, բյուզանդական Մոնոմախ (1042—1054 թթ.) կայսեր խաբեության զոհ դառնալով, գտնվում էր Պոլսում և երկար դիմադրում էր իր թագավորությունը կամավոր Բյուզանդիային հանձնելու պահանջին։ Ի վերջո, ելք չգտնելով, նա դիջեց՝ փոխարենը կայսրությունից ստանալով այլ հողեր։ Մազիստրոսը, որը նույնպես գտնվում էր Պոլսում, հետևում է թագավորի օրինակին և իր հայրենի հողերի դիմաց կալվածներ է ստանում Միջագետքի սահմանների մոտ, իսկ հետագայում միայն նշանակվում Վասպուրականի, Բերկրիի, Արձնի, Տարոնի, Մանգլեքտի ու Հյուսիսային Միջագետքի դուքս, հրամանատար-կուսակալ։ Արժանահավատ պետք է համարել այս մասին Արիստակես Լաստիվերտցու վկայությունը, ըստ որի՝ «Իբրև ետես եթէ ոչ են թողլոյ զԳաղիկ ի տեղի իւր, յառաջ կսցեալ տայ զբանալին Բջնոյ զթագաւորն, և զամենայն զիւր հայրենի ժառանգութիւնն. և մեծարեալ ի նմանէ՝ առնու պատիւ մագիստրոսութեան, և զտեղիս բնակութեան ի սահմանս Միջագետաց գեօղոս և քաղաքս, գրով և ոսկի մատանեաւ յազգէ յազգ մինչև յաւիտեան»⁴։

Գ. Մազիստրոսի նամակներից կարելի է եզրակացնել, որ նա շատ գործունյա կառավարիչ է եղել և իրեն հանձնված մարզերում բավականաչափ բարեգործություններ է կատարել, բայց, մեծ հակում ունենալով դեպի գիտությունները, միշտ ձգտել է ազատվել վարչական պարտականություններից՝ ամբողջովին գիտությունն ու գրականությանը նվիրվելու համար։ Բյուզանդական կառավարչի իր բարձր պաշտոնն իրականացնելու շրջանում Մազիստրոսը հայտնի է դառնում որպես թոնդրակյան շարժումը ճնշող գործիչ։ Նա, անցած բյուզանդական զորքերի զլուխ, հայտնաբերում է թոնդրակեցիների կենտրոններն ու ավերում դրանք։ Թոնդրակեցիները կամ ոչնչացվում են կամ աքսորվում։ Մազիստրոսի ձեռքով մահացու հարված է հասցվում այդ շարժմանը։ Այս հանգամանքը Մազիստրոսին բնութագրում է որպես տիրապետող ֆեոդալական դասակարգի շահերի ակտիվ պաշտպանի։

Գրիգոր Մազիստրոսի աշխարհայացքում խաղաղորեն գոյակցում են երկու իրար հակադիր ու իրարամբեր տենդենցներ։ Մի կողմից, որպես իր դարի զավակ, նա բարձր է դասում հավատը, աստվածաբանական սկզբունքները, իսկ մյուս կողմից, պահանջ է առաջադրում լուրջ ուղադրություն հատկացնել «բնաբանական» գիտելիքներին, իմանալ ու լայն շափով ուսուցման առարկա դարձնել անտիկ աշխարհի գիտությունն ու փիլիսոփայությունը և առհասարակ գիտական գիտելիքները, որոնք, ինչպես հայտնի է, չեն համա-

³ Հ. Հարությունյան, Հայաստանը IX—XI դարերում, Երևան, 1959, էջ 283։

⁴ «Պատմութիւն Արիստակես վարդապետի Լաստիվերտցոյ», Թիֆլիս, 1912, էջ 61։

տեղում քրիստոնեական կրոնի շրջանակներում: Մագիստրոսից մեզ հասած ողջ գրական ժառանգության մեջ, չլիապարապես նրա նամակներում, խոր համակրանք է արտահայտվում ճշմարիտ գիտության, ոչ աստվածաբանական «արտաքին» գիտելիքների նկատմամբ: Մարդկային գիտելիքների գանձարանում, ըստ նրա, «արտաքին» գիտելիքները հանդիսանում են իմացության անհրաժեշտ, կարևոր ու բարձր գնահատականի արժանի մասը: Այս առումով պատահական չէ այն հանգամանքը, որ նա, երաշխավորելով Գրիգոր Հնձացի գիտական-կրոնավորին Վանանդի թագավոր Աբասյան Գագիկին, որպես Գրիգորի գիտականությունը դրականորեն բնութագրող հատկանիշ է նշում նրա՝ «արտաքին գրոց յոյժ տեղեակ» լինելը (էջ 97):

Սակայն միջնադարյան մտավորականն ինքն անձամբ չի նկատում հասկաստվելու գիտելիքների այդ երկու բնագավառների՝ «բնաբանականի» ու աստվածաբանականի միջև: Ավելին, նա մտածում էր, որ «բնաբանական» գիտելիքները օգնում են հավատի ամրապնդման գործին: Կոչ անելով ուսումնասիրել ու գիտենալ հունա-հելլենիստական աշխարհի գիտությունն ու փիլիսոփայությունը և հայ անցյալի իրականության մեջ դրա լավագույն կրողներին՝ Դավիթ Անհաղթի և Անանիա Շիրակացու ուսմունքը, Մագիստրոսը պրանով հակասություններ է բերում քրիստոնեական-աստվածաբանական գաղափարախոսության ոլորտը: Նրա մոտ չկա ճշմարտության երկակիության ըմբռնումը, և նա դեռ չէր տեսնում, որ «բնաբանական» գիտելիքները տրամաբանորեն անհամատեղելի են կրոնական դոգմաների հետ: Այս հանգամանքը բնորոշ է ոչ միայն Մագիստրոսին, այլև X—XIII դդ. հայ մշտական մտածողներին:

Ասածներից, իհարկե, չի հետևում, թե Գրիգոր Մագիստրոսը միատեսակ վերաբերմունք էր ցուցաբերում հին աշխարհի գիտության ու փիլիսոփայության բոլոր ներկայացուցիչների նկատմամբ և նրանց ուսմունքներին տալիս էր միևնույն գնահատականը: Առավել չափով նրան հրապուրել է Պլատոնը, որի իդեալիզմը մոտ է եղել իր աշխարհըմբռնմանը: Պլատոնի անունը նա հիշում է ոչ այլ կերպ, քան՝ «հրաշալի Պլատոն» (էջ 83, 97, 115 ևն): Մինչդեռ կինիկյան դպրոցի և նրա ուսմունքի մասին գրում է ներքին հակակրանքի զգացումով՝ «զնական իմաստասէրսն եռապատուեան յորջորջմամբ սահմանեն, նախ, զի որպէս շունք զգաստագոյնք են և պահպան գանձուց, այսպէս և նոքա իմաստասիրութեանն և օրինացն աւանդութեանն. որպէս շունք զտէրս սիրեն և ընդ բարեկամսն ոչ յաչաղեն, այսպէս և նոքա վարդապետաց իւրեանց և առ ընկերսն ողջախոհ և միամիտք. և որպէս շունք զօտարսն հալածեն և թէպէտև համասեռիցն հանդիպին՝ ոչ նոցա դիւրաւ ծանօթանան, այսպէս և նոքա օտարոտի ձայնի ոչ անսան և զաւանդութիւն իւրեանց ոչ մոռացեալ լինին» (էջ 29):

Բնական է, որ Մագիստրոսը բացարձակապես ժխտողական գիրք է բերնում էպիկուրյան ուսմունքի նկատմամբ: Երբ խոսում է թոնգրակեցիների՝ իր սոցիալ-դասակարգային ու գաղափարական հակառակորդների հայացքների մասին, ապա որպես դրանք վարկաբեկող հատկանիշ նշում է էպիկուրյան անաստվածությունը ներծծված լինելը: Նման վերաբերմունքը, հասկանալի է, պայմանավորված է Մագիստրոսի աշխարհայացքի բնույթով, որն իդեալիստական է իր բուն էությունով:

Փիլիսոփայության հիմնական հարցը Գրիգոր Մագիստրոսը լուծում էր իդեալիստորեն և, որպես դարի զավակ, քրիստոնեական-կրոնական ըմբռնման

ողով: Նրա համար աստված անսկիզբ ու անվախճան է, սուբստանցիոնալ էություն է, որից սկիզբ է առնում ողջ գոյություն ունեցողը: Դա, ըստ նրա, անառարկելի ու անքննելի ճշմարտություն է: «Եւ պարտ պատշաճ է,—դրում է նա,— ըստ մերումս փանաքիմաց մտածութեանց, որքան կայողութիւն է՝ պարզարել զաշխարհ և օգնական լինել իբրև զծառայ հլու և հպատակ Ստեղծչին զսա: Եւ որք արտաքոյ այսմ խոկան՝ հարստահարութիւն Արարչին ընդդէմ տրամախոհեն» (էջ 85):

Մագիստրոսը քաջ գիտեր աստվածապաշտության քաղաքական ձևերի ու եղանակների մասին: Նամականերում նա բազմիցս դրսևորել է իր գիտելիքներն այդ ասպարեզում: Բազմաստվածությունը նա մոլություն էր համարում: Բրպես հավատացյալ քրիստոնյա, նա, անշուշտ, այլ տեսակետի չէր էլ կարող լինել: Սակայն հետաքրքրական է այն, որ նա գտնում էր, թե մարդկային միտքը ապրել է ճշմարիտ աստծո որոնման պրոցես: Նկատի ունենալով, որ ճշմարիտ աստվածության ճանաչումը պրոցես է եղել, նա շեմքից չի մերժում աստվածապաշտության նախկին ձևերը և հատկապես հունահելլենիստական աշխարհի նշանավոր ներկայացուցիչների հավատը, այլ նրանցից ոմանց մոտ (օրինակ՝ Պլատոնի) տեսնում է աստծո մասին ճշմարիտ ուսմունքի դրույթներ: Նա մտածում էր, թե ընդհանուր առմամբ նախա-քրիստոնեական կրոններում «կաթիլ իմն աստուածային կաթեալ էր առ նոսա» (էջ 183): Ոմն Իբրահիմ ամիրային հասցեագրած նամակում, նա ոչ քրիստոնեական կրոնների ընդհանուր արատը համարում է այն, որ «սոքա ոչ միութիւն Աստուծոյ ծանեան և ոչ երրորդութիւն» (էջ 183), և այն, որ նրանք առաջադրում են մարմնականի, նյութականի պաշտամունքը, մինչդեռ ճշմարիտ աստված ոգեղեն է, որին, այդ պատճառով, հասու կարելի է լինել ներքին էությունմբ, «իմանալի զօրութեամբ»:

Աստված, ըստ Մագիստրոսի, չունի «ոչ սլատկեր, և ոչ ձև, և ոչ քանակութիւն, և ոչ չափաբերութիւն, և ոչ նիւթ, և ոչ տեսակ, ոչ մարմին, և ոչ գոյութիւն կամ անգոյութիւն, ոչ սկիզբն, ոչ միջութիւն, ոչ կատարումն, ոչ ժամանակ» (էջ 176): Առարկություն չհանդուրժող ոճով նա նույնիսկ պնդում է, որ «եթէ իմացի՝ ուրեմն ոչ է աստուած», այսինքն՝ եթե փորձ է արվում տալ նրան որոշակի «ձև կամ պատկեր, կամ ժամանակ, կամ որպիսութիւն», ապա այդ մեղանշում է աստծո հանդեպ: Նույնիսկ «եթէ մարգարէիցն որ յանդրգնիցի բերել վկայութիւնս, եթէ ոմն այսպէս էտես — ոմն այնպէս՝ այնոքիկ ոչ նշմարտութիւն» (էջ 176): Այստեղ դարձյալ աստծո մագիստրոսյան ըմբռնումը հիշեցնում է փիլոնյան լոգոսին:

Աստծո էության վերը բերված բնութագրումները տրամաբանական հակասություն են երևան բերում այս հարցում միջնադարյան մտավորականի հայացքների մեջ: Եթե աստծո էությունը բնորոշման ենթակա չէ և հնարավոր չէ տալ նրա սահմանումը, ապա ինչպե՞ս կարելի է խոսել քրիստոնեական կրոնի ճշմարտացիության մասին մյուս կրոնների, աստվածապաշտական այլ ուսմունքների համեմատ: Եթե աստված բնութագրելի չէ, ապա, այս հիմունքով, նույնքան ճշմարտացի են նաև կրոնի մյուս ձևերը: Սակայն Մագիստրոսը չի տեսնում այդ հակասությունը: Նա քննադատում ու մերժում է հալա-տի այլ ուսմունքները՝ «բացահայտելով» նրանցում արտահայտված առանձին դրույթների սխալները, միաժամանակ նշելով, որ հավատի այլ ուսմունքները ինքը ժխտում է ծանոթանալով և կարդալով դրանց մասին եղած գրականությունը: Այլ մեղ այսօրիկ ոչ հաւատացեալ եղիցի, այլ ընթերցեալք, դի-

մի պարսաւեցեն զմեզ հեթանոսաց իմաստունքն, եթէ ոչ եմք տեղեակ անվաւերական նոցայն մատենագրութեանն», — գրում է Մագիստրոսը (էջ 179)։ Խոսելով իր հավատի մասին, նա շարունակում է. «Սակայն մեզ հաւատացեալ լիցի միայն Մովսէսին աստուածեղէն պատգամս, զոր ի Սինականն ընկալաւ լերինն Աստուծոյ ղէմ յանդիման, ոչ աղճատանս և ցնդեալն, այլ պարզ, մաքուր և լուսաւոր օրինադրութիւնս, և զրեալ բանիւ Աստուծոյ, և ոչ յորովայն ձկան որպէս Բիւռոսին կամ սանդարամետականին էպիկուրեանց անաստուածիցն կամ արեգական Զրադաշտին կամ սիւթագորականացն, որք ի քառից զբոլոր բաղկացութիւնս ասեն լինել կամ ի Սմոնեանցն, որ երկուս հաւանին արարիչս՝ զմիւսն բարւոյ և զմիւսն չարի» (էջ 179—180)։

Մենք արդեն ասել ենք, որ հանձին Մագիստրոսի XI դարը հրապարակ է հանել խոր և լայն գիտելիքներ ունեցող մի մտավորականի, որը գործնական քայլերի էր դիմում դրանց մասսայականացման համար, բայց միաժամանակ այդ մտավորականը պահանջում էր անաղարտ պահել քրիստոնեական կրօնի դոգմաները և ինքը գրելով ու սրով պայքարում էր դրա համար։ Հիշենք այստեղ նրա պայքարը թոնդրակեցիների դեմ, որը, անշուշտ, առաջին հերթին թեկադրված լինելով սոցիալ-դասակարգային մոտիվներով, բխում էր նաև նրա համոզմունքներից։

Այսուամենայնիւ, Մագիստրոս քրիստոնյայի, քրիստոնեական աստվածաբանության պաշտպանի մեջ ապրում է բնական գիտությունները, ոչ աստվածաբանական գիտելիքները բարձր դասող ու նրանց զարգացմամբ շահագործված մի խորիմաց մտավորական։ Այդ մտավորականն է, որն առաջադրում է փիլիսոփայական-բնագիտական իմացություն ձեռք բերելու ուղիներն ու եղանակները, սահմանում է այդ ասպարեզում գիտելիքներ ստանալու հաջորդականութունը։ Ըստ Մագիստրոսի, փիլիսոփայական-բնագիտական գիտելիքների ուսուցումը պետք է սկսել սովորելով քառյակ առարկաները, այն է՝ թվաբանութունը, երկրաչափությունը, աստղաբաշխությունը և երաժշտությունը։ Դրանց տիրապետելուց հետո պետք է սովորել քերականություն, հոգեբանական արվեստ, փիլիսոփայություն և այլ գիտություններ։

Շարադրելով ուսուցման իր ծրագրի հիմնական բովանդակությունը, Մագիստրոսը գրում է. «Նախ պարտ է զքերականութիւնն հանդերձ թարգմանութեամբն ուսանել տիրապէս մակտացականութեամբ, և զկնի այսր զհոգեբանականն երիւք հանդիսիւք անսխալ տրոհութեամբ, և ապա զսահմանացն պարունակել, և պղատոնական և արիստոտէլական, և դարձեալ պիւթագորական կարականկերտութեանն բացորոշմանց և դատողութեանց։ Նախուստ քան զայսոսիկ կրթեցելովք ներկուռ վերծանութեամբ զհին և զնոր կտակարանս, և առասպելաբոլութիւնս ի բազում և զանազան տեղիս զեղեալ զորքանութեամբ արտահայտել հաւանիմբ, և ի խոյղ ջերմագոյն և քաջողջական խոհականութեամբ և տրամաբանական հատուածոց հոմերական և պղատոնական նախասականին և այլոցն բոլոր արհեստից և մատենից։ Զի յամենայնի իմաստասէրն խոստովան լիցի զգիտութիւն և ուրացեալ զանգիտութիւն, մասնաւոր ըստ կարողութեան քառիցն արհեստից՝ թուական, երաժշտական, երկրաչափական, աստղաբաշխական» (էջ 105)։

Փիլիսոփայական-բնագիտական իմացություն ձեռք բերելու և ընդլայնելու խնդրում Մագիստրոսը մեծ տեղ էր տալիս Արիստոտելի, Պլատոնի, Փիրոնի, Դավիթ Անհաղթի, Անախիա Շիրակացու, Պյութագորասի և այլոց աշխատությունների ուսումնասիրությանը։ Խրախուսելով Շիրակացու աշխատ-

տանքների բաղմացման գործը, նա գրում է, թե նրանցում «ենթակայացեալ են ոչ միայն քառիցն արհեստք, այլ բոլոր էակացն խոկմունս» (էջ 8):

Միջնադարյան մտավորականներ գտնում էր, որ փիլիսոփայական-բնագիտական գիտելիքները պետք է հիմք ծառայեն աստվածաբանությունը հասկանալու համար: «Քանզի պարտ է,— գրում էր նա,— նախ ի բնաբանականէն յուսումնականն ամբառնալ և անդուստ աստուածաբանականն» (էջ 8): Մադիստոսը աստվածաբանություն հասկանալու գործում մեծ տեղ էր հատկացնում հատկապես մաթեմատիկական (ուսումնական) գիտելիքներին: Իր այդ միտքը նա ընդգծել է վկայակոչելով Պլատոնին. «Պլատոն իսկ զգուշացուցանէ այսպէս՝ յիւրումն աստուածաբանութեանն. սոնելիրաշափական ոք մի սերամտեսցի» (էջ 8—9): Մադիստոսը մաթեմատիկական գիտելիքների մեջ տեսնում էր արատրակտ մտածողություն ձեռք բերելու հնարավորություն, առանց որի չի կարելի հասկանալ ու ըմբռնել աստվածաբանական դրույթները: Այս միտքը նա անմիջականորեն ժառանգել է Դավիթ Անհաղթից, որը, տեսական գիտելիքները բաժանելով երեք մասերի՝ «բնաբանականի», «ուսումնականի» և «աստվածաբանականի», գտնում էր, թե «ուսումնականը» միջին տեղ է գրավում բնաբանականի և աստվածաբանականի միջև: Դավիթ Անհաղթը գրում է. «Բնաբանականն կահաւորի վասն այնոցիկ, որք ենթակայութեամբք և մակամտածութեամբք նիւթաւորք գոն: Իսկ ուսումնականն կահաւորի վասն այնոցիկ, որք ենթակայութեամբք նիւթաւորք գոն, իսկ մակամտածութեամբք աննիւթք: Իսկ աստուածաբանականն՝ վասն որք ենթակայութեամբք և մակամտածութեամբք աննիւթք»⁵: Կատարելով նման բաժանում, Դավիթը եզրակացնում է, թե «ուսումնականն զմիջինն ընկալաւ դասաւորութիւն, այսինքն ի մէջ բնաբանականին և աստուածաբանականին, որպէս երկոցունց հաղորդ, վասն զի և նիւթաւոր է, որպէս բնաբանականն, և աննիւթ՝ որպէս աստուածաբանականն»⁶:

Այսպիսով, մաթեմատիկական գիտելիքները, որոնք վերաբերում են իրական ու կոնկրետ առարկաներին, ձեռք են բերվում բանականության միջոցով, արատրակտ մտածողության արդյունք են: Իրենց այս կողմով նրանք ոչ միայն մոտենում, այլև նման են աստվածաբանական իմացությանը, որն արգեն ամբողջովին և սոսկ մտային-արատրակտ տեսք ունի, քանի որ նրա առարկան աննյութական լինելով՝ ռեալ, իրական չէ և չի ենթարկվում ու չի յիարող ենթարկվել զգայական ընկալման: Մաթեմատիկական իմացությունը, վերը նշված հատկանիշի շնորհիվ, նախապայման է հանդիսանում և հոգ է նախապատրաստում մտածողության համար, ինչպես Մադիստոսն է ասում՝ ընտելացնում է միտքը «ղանմարմին բնութեանն», կոնկրետ-առարկայականից կտրված՝ աստվածաբանական իմացությանը հասու լինելու: «Եւ ահա,— գրում է նա,— յիրաւի ուրեմն ասացեալն, եթէ որք ի բնաբանականէն յաստուածաբանականն ամբառնան, ըստ այնոցիկ հաւանիմք գոլ» (էջ 114): Հակառակ պարագայում, այսինքն՝ եթե մարդ չունի բնաբանական և մաթեմատիկական գիտելիքներ, ապա, երբ նա ցանկանա իմացություն ձեռք բերել աստվածաբանության բնագավառում, կգտնվի երկար խավարում ապրելուց հետո արեւին նայել ցանկացող մարդու վիճակում: «Որք յաղջամղչին տեղուջ ելու՞ 1. ի խաւարչտիւն այն ինչ յարեգակն հայել ձեռնարկեն, ի նոյն ժամունէ կուշանան», — գրում է Մադիստոսը (էջ 114):

⁵ Դավիթ Անհաղթ, Սահմանք իմաստասիրութեան, Երևան, 1960, էջ 122:

⁶ Նույն տեղում, էջ 124:

Հումաձայնելով Դավիթ Անհաղթի «Մահմանը իմաստասիրութեան» նշանաւոր երկում արտահայտւած մտքին, Գրիգոր Պահլավունին պաշտպանուի է այն տեսակետը, թե մաթեմատիկական գիտելիքները հիմնականում «տրամախոհութեան» արգասիքն են: Ընդհանուր է, մաթեմատիկական գիտելիքները աննյութական գոյի մասին չեն, սակայն նրանք, ի վերջո, աննյութական են «զանմարմին բնութիւն» են և գոյութիւն ունեն միայն մտքում: Մինչդեռ բնական գիտելիքները և՛ նյութական են իրենց ծագումով, և՛ նյութական բովանդակութիւն ունեն, որովհետեւ տվյալ դեպքում «միտք պարզաբար ընկալումն գոյից է», — գրում է Մագիստրոսը (էջ 115):

Մագիստրոսի մոտ նշմարվում է գիտելիքների ու մտածողության պատմական զարգացման պրոցեսի ըմբռնում՝ զգայական պարզ ճանաչողութիւնից դեպի աբստրակտ իմացութիւն: Այս պրոցեսի ըմբռնումը դրսևորվել է ոչ միայն վերը շարադրւած հարցերում, այլ նաև կրոնի, աստվածաբանության ու առասպելների մասին նրա հայացքներում: Իբրահիմ ամիրային գրած նամակում, օրինակ, պատմելով կրոնական հին պատկերացումների մասին, նա նշում է, որ դրանք եղել են հիմնականում պատկերացումներ նյութական կոնկրետ, առանձին երևույթների ու իրերի մասին, որտեղ դեռ չկա ընդհանուր գաղափար: Այս իմաստով, նա քրիստոնեութիւնը կրոնի ավելի բարձր աստիճան է համարում, որում արդեն բոլոր եզակիները սկիզբ են դրսևորում մեկ ընդհանուրից, ոչ նյութական, ոգեղեն մի էակից: Այս վերջինս չի պատկերացվում ալլես որպես որոշակի հատկանիշներ ունեցող մի բան, չի բնութագրվում իրական բնութիւնը հատուկ որակումներով, օրինակ՝ քանակով, չափով, ձևով, ժամանակի ու տարածության մեջ լինելով և այլն և այլն: Միակութեան, կատարելութեան ու համապարփակութեան աբստրակտ գաղափարը Մագիստրոսը բարձր ու կատարյալ է համարում և դիտում է որպես մարդկային մոտի զարգացման արդյունք: Այսպիսով, միջնադարյան մտավորականի մոտ, թեև կրոնական թաղանթով, դրսևորվել է զգայական կոնկրետ ճանաչողութիւնից դեպի աբստրակտ, ավելի բարձր ճանաչողութեանն անցնելու պատմական պրոցեսի ըմբռնում, որը մեթոդոլոգիական արժեք ունի՝ ընդհանրացված ձևով արտահայտելով գիտական այն ճշմարիտ գաղափարը, թե մարդկային իմացութիւնը սկսվել է կոնկրետ-առարկայական եզակի երևույթների ճանաչողութիւնից ու աստիճանաբար հասել է ընդհանուրի ըմբռնմանը:

Գիտելիքները, գոյի մասին մեր կարծիքներն ու տեսակետները, ըստ Մագիստրոսի, ձեռք են բերվում երեք եղանակով՝ «տրամախոհութեամբ և տեսութեամբ և ի լրոյ» (էջ 71), այսինքն՝ դատողութեամբ, գիտողականութեամբ և լսելով: Նկատի ունենալով, որ վերջին երկու եղանակները՝ գիտողականութիւնն ու լսելը վերաբերում են զգայական ճանաչողութեանը, պետք է եզրակացնել, որ ըստ Մագիստրոսի, իմացութիւնը բանականութեամբ ու զգայութիւններով է տրվում: Ծանաչողութիւնն ինքնին, ասում է նա, բարդ ու զբաղակալ պրոցես է, այն միանգամից չի իրագործվում: Իրերի ու երևույթների իսկական հատկանիշներին ու որակին, նրանց բուն էութեանը մարդը հասնում է լինում հաղթահարելով բազմաթիվ սխալներ: Գիտելիքներ ձեռք բերելու ներքեղանակներն էլ, գրում է միջնադարյան փիլիսոփան, «դժուարաբար» են, «քանզի տրամախոհիմբ երբեմն վասն ուրուք՝ ոչ ստուգաբար, և տեսանէմբ որակութիւն՝ և ոչ-րստ ձևով, և լսեմբ՝ և ոչ ճշմարտէ» (էջ 71): Այս պատճառով անհրաժեշտ է, ասում է նա, որ բազմիցս քննենք իրերի բնութիւնը և

ճշգրտենք նրանց վերաբերյալ մեր մտքերը, դատողություններն ու ձևակերպումները:

Ձդտելով ճանաչել իրերն ու երևույթները, մարդն իր առաջ, ասում է Մագիստրոսը, նպատակ է դնում իմանալ, թե ինչի՞ց են նրանք առաջացել, ի՞նչ են նրանք ու ի՞նչ պետք է լինեն: Սրան համապատասխան մեր իմացությունը իրերի ու երևույթների մասին յուրաքանչյուր կոնկրետ պարագայում բովանդակում է երեք հիմնական հարցի պատասխան՝ «ուստի՞» բանն, կամ յորմէ՞» բանն, կամ առ ո՞ր բանն» (էջ 71):

Մագիստրոս գիտնականի մոտ տարակուսանք չի առաջացրել իրական այս աշխարհի նյութական բաղադրություն ունենալու հարցը: Աշխարհի բաղմադանությունը նյութի փոփոխության արդյունք է և այդ փոփոխության շնորհիվ է, որ գոյություն ունի կենդանական ու բուսական աշխարհը: Կերակուրն, օրինակ, գոտում է նա Կիրակոս հույն դպիրին ուղղած նամակում, բաղմաթիվ փոփոխություններ կրելով մարդու օրգանիզմում, արյան միջոցով տարածվում է մարմնի բոլոր մասերը, բոլոր օրգանները և օժտում նրանց համապատասխան «զօրութեամբ»: Պարտեզի միևնույն հողից և, չրից սնվելով, նրա բաղմաթիվ ծառատեսակները «զիրաքանչիւր պտուղս անշփոթ միմեանց և անյեղափոխ յառաջ բերէ բնութեանն զօրութիւն: Այսպէս և զբոյսս և զամենայն արմատիս ի միում տեղւոյ» (էջ 113—114): Ուրեմն բնության բաղմադանություն, նրա գոյության ու հարատևության պատճառը նյութի որակական փոփոխության մեջ է թաքնված: Իհարկե, միջնադարյան փիլիսոփան նյութի փոփոխության այդ ունակությունը արարչի կողմից սահմանված օրինաչափություն է դիտում և ոչ թե ի սկզբանե ու հավերժորեն նյութին ներհատուկ էություն:

Սակայն բնության մեջ տեղի ունեցող փոփոխությունների վերաբերյալ նրա դատողությունների արժեքավոր կողմն այն է, որ այստեղ բացակայում է աստծո անմիջական միջամտության աստվածաբանական թեզը: Նա դրսևում է, որ «ունի սերմն իւրաքանչիւր անդամոց զբնութիւն և զզօրութիւն, այսպէս և կերակուրն յինքեան զամենայն անդամոցն զօրութիւն ունի և զնմանագոյնսն պատշաճեցուցանէ» (էջ 115): Այս դատողության մեջ որոշակիորեն կարելի է տեսնել էնտելեխիայի մասին արիստոտելյան ուսմունքի արտահայտությունը: Նրանից հետևում է, որ նյութը և որևէ նոր որակի ու ձևի վերածվելու հնարավորությունը միասնություն են կազմում, սերմն իր մեջ ունի ձևական ու բովանդակային նպատակ, նյութն իր մեջ ներքապես ունի որոշակի բան դառնալու հնարավորություն, ընդ որում անցումը կատարվում է այդ հնարավորության սահմաններում, որպես այդ հնարավորության ծավալում ու կազմակերպված դրսևորում, այնպես, որ յուրաքանչյուր դեպքում «զնմանագոյնսն պատշաճեցուցանէ»:

Նյութի և նրա փոփոխության նման ըմբռնման դրսևորում պետք է դիտել նաև Մագիստրոսի հետևյալ միտքը. «Ամենայն բաղկացուցանող զօրութիւն տիրաբար ասացեալ՝ առնու և զօրութիւն և գոյութիւն, քանզի գոյութիւն ի գոյոյն ասի, իսկ գոյն ածանցութիւն իրիք, բաղկացումն ենթադրէ իբրու դոյ, ի գոյէ գտեալ դերաբնաբար» (էջ 20): Այստեղ արտահայտված է նաև միջնադարյան փիլիսոփայի իդեալիզմը, որովհետև նա գտնում է, որ նյութի և մի այլ որոշակի բանի վերածվելու նրա մեջ առկա հնարավորությունը գերբնական ծագում ունի՝ «ի գոյէ գտեալ գերաբնաբար»: Եթե կարելի է առհասարակ խոսել Մագիստրոսի մատերիալիզմի մասին, ապա պետք է ասել, որ այն ունի սահմանափակ բնույթ և վերաբերում է բնության իրերի ու երևույթ-

ների հետ կապված որոշ պրոցեսների բացատրությանը: Նրա աշխարհայացքը ընդհանրապես ունի նաև մետաֆիզիկական բնույթ, որովհետև նա բնության մեջ չի տեսնում նոր, նախկինում չեղած որակի առաջացում: Ինչպիսի մենք վերը ցույց տվեցինք, նա գտնում էր, որ սաղմի մեջ, նյութի մեջ քանակապես փոքրացված ձևով առկա է այն նոր որակը, որը պետք է համապատասխան պայմաններում ակնհայտ դառնա ու դրսևորվի:

Ամփոփելով Գրիգոր Մագիստրոսի մասին վերը շարադրված նյութը՝ պետք է ասել, որ նրա տեղն ու դերը հայ փիլիսոփայական մտքի պատմության մեջ այն է. որ մեծ տեղ տալով «արտաքին», ոչ աստվածաբանական դիտելիքներին, պահանջ առաջադրելով յուրացնել ու մասնատել մասնատված ասպարեղում ձևեր բերված ինչպես ազգային, այնպես էլ այլ ժողովուրդների անցյալի նվաճումները, Մագիստրոսն իր անձնական սրբազանիկ կուլտուրալ լուսավորական գործունեությամբ, ժամանակի բազմաթիվ անձանց հղված նամակներով, թարգմանություններով ու ուսումնական ծրագրերով և, վերջապես, առաջադրած ու պաշտպանած իր հայացքներով սկիզբ դրեց ու հանապարհ հարթեց զարգացած ֆեոդալիզմի դարաշրջանի հայ փիլիսոփայական մտքի հետագա առաջնադարյան համար:

ГРИГОР МАГИСТРОС КАК ФИЛОСОФ

Доктор филос. наук Г. А. ГРИГОРЯН

(Резюме)

Григор Магистрос (990—1059)— один из тех редких представителей армянской философской мысли средневековья, которые, будучи учеными, оставившими письменное наследие, не принадлежали к духовному сословию. В его литературном наследии большое место занимают письма, адресованные примерно 40 лицам, занимавшим различное положение в обществе. Заслугой Магистроса является то, что он проявлял положительное отношение к науке и культуре греко-эллинистического мира, стремился возбудить интерес к ним и включить их в программу обучения, призывал поднять на должную высоту изучение культуры Армении предыдущего периода, в частности трудов Давида Непобедимого и Анании Ширакаци, расчищая этим дорогу для дальнейшего развития относительно освобожденных от религии знаний. Он является как бы связующим звеном между научно-философской мыслью раннефеодальной эпохи и эпохи развитого феодализма. Значительна роль Магистроса в области распространения в Армении науки и просвещения; он не только призывал общественных деятелей своего времени не жалеть средств для создания школ, но и сам развернул практическую деятельность в этом направлении. В статье освещаются основные черты философских воззрений Магистроса. Философ защищает и обосновывает идею о том, что познание—постепенный процесс, развивающийся от конкретно-чувственного к абстрактному как к более высокой ступени. Решая основной вопрос философии с позиции идеализма, он тем не менее старается объяснить явления природы закономерностями самой материи и ратует за развитие естествознания.